

# Te Kaungaunga ibukin **Tiim** **Aika Uoua**

Iroun Ashley Stark  
(E boboto i aon te karaki ae koaua)

E riki te karaki aei i South Korea.  
E karea wiina Jayne ni kabanean kanana  
te nuuto. Mmmm. E kangkang!  
"Ti a takakaro n te Yut Nori!" E taku ai  
Tamana ae Ji-Ho.

Ai manga taina naba anne n te ririki! Ana utu a  
bukamarua te Chuseok, te Tai ni Kakaitau i Korea.  
A ikitaki ana utu Jayne n te bong aei bwa a na  
kang amwarake aika a mwaiti ao n takakaro n te  
Yut Nori ni kabane. Te Yut Nori bon ana takakaro  
Jayne ae mamate nanona iai.

A bane n tekateka ni kamronron te koraki i aon  
te burooa. E taratara nako Jayne. Te tiim raa ae e  
kan kaainna? E keerake ni kaaniia nako rarikin ai  
Tamana ae Ji-Ho. "I kan kaaina am tiim!" e taku.  
"Ti na bon riki bwa taan moanna ngaira aika a  
korakora!"

E ngare ai Tamana ae Ji-Ho. "Ngkai ko na kaaina  
ana tiim, ti kakoaua bwa e na bon reke arora!"

E a katea te bwai n takakaro tinan Jayne inuuka  
inanon te mronron. E buokia Jayne ni katei  
mwakorokoro aika bwaai n takakaro. A kabuta  
aua te kai nakoia kaain te tiim bwa antai ae e na  
moan nako moa.

Ai tarin Jayne ae Ana ngaia ae e na moan  
toka. E a karenako taian kai rinanon te eea. Aron  
bwakan te kai e kaotia bwa iraua te maranga  
are e na kona te tiim ni butinako i aon te bwai  
n takakaro. Ni kabane kaai ake aua a bane ni  
baraaki, are nanona bwa Ana e reke irouna te Yut!  
E na riai ni kamwainga wadia kaain ana tiim aua  
te maranga ao e a manga reke riki tokana.

*E mata bubuaka Jayne.  
E aki tangiria bwa  
a na tokanikai kaain  
te tiim are teuana!*



KAMATAATAN TE TAMNEI IROUN UBANDUO

Ma Ana bon tiaki kaain  
ana tiim Jayne.

E rukumii baina Jayne ao  
e kabubuakai matana. "Au kantaninga bwa  
e na aki nakoraoi ana kare," e wirikiriki nakon  
ai Tamana ae Ji-Ho.

"Kakukureiko!" E taku ai Tamana ae Ji-Ho.  
"E a bon tibwa waaki te takakaro." E anganna  
te moangare ni kaunganano.

I mwiin ana kauatai n toka Ana, ai ana tai kaain  
ana tim Jayne ni kare n te kai. Ma aki rangi n raroa  
aron aia kare n aron raroaia kaain ana tiim Ana.

Ni katoa tain te buti, a kaungaunga kaain ana  
utu Jayne ao a ngarengare. E a bon mamataku  
Jayne n aron kakabutan mwakorokoro akanne i  
aon te bwai n takakaro. A bane n unga te koraki.

Bon ni kabane ma tii Jayne. E a bon  
kokonaaki naba ana tiim.

N tokin te tai ao e a roko n ana tai Jayne.  
E karenakoi taian kai n te eea, ma tii teuana ae  
bwaka ni bobaraaki. Butin waaia kaain ana tiim  
bon tii teuana te maranga.

E rukumii baina Jayne. "I a rawa!" e takaaruia.  
"I tangiria bwa ti na moanna."

N te tai ae waekoa, aikoa kakaronga te koraki.  
Ngke e tararake, e a bane n taraaki irouia ana  
utu. A taraa ni miimi ngkai e a bon rangi n un.

E a moanna n abuuue ubun Jayne.  
E namakina te aki mweengaraoi ngkai  
e aki kukurei ibukin ana utu. E aki  
taneiai n arona ae te kakai un.  
E teirake bwa e na kitana te  
kamronron.

E a katika baina ai Tamana ae Ji-Ho. "Ko riai  
n aki nako," e taku. "Bon ti te takakaro ma tiaki  
taekan te moanna. Bon tii kataia bwa ko na unga."

"E TAMAROA." E a tekateka Jayne. E tangiria  
bwa e na unga n aroia ake te korakina. E kume  
n ikerake ao ni mamataku iroun ai mwaanenae  
ae Ben ngke e kakibai taian kai.

"E tamaraoa butim, Ben!" E taku ai Tamana ae  
Ji-Ho. E bwanaa n rangi ni kukurei.

Jayne e taraa ai Tamana ae Ji-Ho ma matana  
aika a uremangaa. E kaungaia kaain te tiim are  
teuana! Tao ao aikan anne bukina ngkai e taraa n  
rang i unga.

Ngke e waaki te buti are i mwiina, e a iangoia  
Jayne bwa e na kaungaia te koraki ni kabane i aon  
tiim aika uoua. E koaua ae taku ai Tamana ae Ji-  
Ho. Bon tii te takakaro ma tiaki taekan te moanna.  
Iesu e kona ni buokia bwa e na kukurei ibukiia  
kaain ana utu e ngae ngke e konaaki.

Ngke e a manga roko riki ana tai n takakaro  
Ana, e moangare Jayne nakoina. "Tekeraoi! E reke  
raoi dio iroum!"

Man iteran te kamronron, e moangare  
Ana mai ikekei. E namakina te kukurei inanona.  
E namakina te unga ae moan te bat! ●

A mwaiti bwaai ni maiura aei ae a boboto i aon  
anuara. Te kawai ae ti rineia bwa ti na tarai bwaai  
ao ni kaeka nakoia tabeman e rotii bwaai ni kabane."

Beretitenti Thomas S. Monson (1927–2018),  
"Living the Abundant Life," *Riaona*, Tianuare 2012, 4.